

# UNISSA ungguli Anugerah GIFA 2020



**DEKAN** Fakulti Ekonomi dan Kewangan Islam (FEKIm) Universiti Islam Sultan Sharif Ali (UNISSA), Dr. Abdul Nasir menerusi Mesej Video GIFA 2020 yang ditayangkan secara virtual.

**ISLAMABAD**, Selasa, 15 September - Universiti Islam Sultan Sharif Ali (UNISSA) menerusi Fakulti Ekonomi dan Kewangan Islam (FEKIm) dan Negara Brunei Darussalam pada 14 September lalu telah melakar detik bersejarah apabila untuk kali kedua berturut-turut mengungguli Anugerah Global Islamic Finance Award 2020 (GIFA 2020) bagi Kategori GIFA Market Leadership

Siaran Akhbar dan Foto : Universiti Islam Sultan Sharif Ali

Award 2020 (Education in Islamic Banking and Finance), mendahului tiga calon institusi lain di peringkat global.

GIFA adalah salah satu anugerah paling berprestij dan dihormati dalam dunia perbankan dan kewangan Islam global. GIFA dianugerahkan kepada kerajaan, institusi, dan individu yang telah menunjukkan pencapaian cemerlang dalam menyumbang kepada kemapanan bidang perbankan dan kewangan Islam sebagai sebuah sistem yang berdaya maju di arena global. Pada setiap tahun, Jawatankuasa Anugerah GIFA mengiktiraf institusi dan individu dari seluruh pelosok dunia atas sumbangan luar biasa mereka kepada pembangunan bidang tersebut.

Pencalonan FEKIm UNISSA dalam GIFA dari Cambridge International Finance Advisor (IFA) United Kingdom (UK), sebagai calon penerima Anugerah GIFA 2019 dan GIFA 2020 merupakan satu pengiktirafan besar industri global terhadap

pencapaian fakulti tersebut dalam pembangunan dan pengembangan pengajian bidang perbankan dan kewangan Islam di persada global.

Kali pertama FEKIm UNISSA menerima Anugerah GIFA dalam kategori yang sama ialah pada 16 September 2019, bertempat di Cape Town, Afrika Selatan yang dihadiri sendiri oleh Rektor UNISSA, Dr. Awang Haji Norarfani bin Haji Zainal dan Dekan FEKIm UNISSA, Dr. Abdul Nasir bin Haji Abdul Rani.

Pada tahun ini, penyampaian anugerah tersebut telah dilangsungkan pada 14 September 2020, dalam acara 10th GIFA Awards, bertempat di Marriott Hotel, Islamabad, Republik Islam Pakistan. Hadir selaku Tetamu Kehormat dalam acara tersebut ialah Presiden Republik Islam Pakistan, Tuan Yang Terutama Dr. Arif ur-Rahman Alvi.

Memandangkan situasi global yang masih berhadapan dengan ancaman penularan pandemik COVID-19, UNISSA



UNISSA untuk kali kedua berturut-turut mengungguli Anugerah Global Islamic Finance Award 2020 (GIFA 2020) bagi Kategori GIFA Market Leadership Award 2020 (Education in Islamic Banking and Finance), mendahului tiga calon institusi lain di peringkat global.

mengambil keputusan untuk tidak menghadiri majlis penganugerahan tersebut secara fizikal. Walau bagaimanapun, majlis penyampaian anugerah telah disiarkan secara langsung melalui platform media sosial seperti Facebook, YouTube dan laman sesawang GIFA.

Dekan FEKIm UNISSA, Dr. Abdul Nasir menerusi Mesej Video GIFA 2020 yang ditayangkan secara virtual berharap dengan pencapaian cemerlang anugerah berprestij

GIFA sebanyak dua kali berturut-turut ini akan memberikan dorongan dan semangat yang kuat kepada seluruh tenaga akademik FEKIm UNISSA untuk terus bersikap dinamik dan inovatif serta mempertingkatkan kualiti pengajaran dan pembelajaran menerusi platform pendidikan sekali gus dalam sama-sama berusaha mengembangkan dan memperkasakan peranan perbankan serta kewangan Islam dalam sistem kewangan global.

## Tingkat pemedulian terhadap warga emas



**MAHASISWA** Universiti Brunei Darussalam (UBD) yang sedang menjalani Discovery Year mereka, di bawah penyeliaan Ahli Majlis Mesyuarat Negara, Yang Berhormat Dayang Khairunnisa binti Awang Haji Ash'ari mengadakan

Berita dan Foto : Ihsan Ahli Majlis Mesyuarat Negara, Yang Berhormat Dayang Khairunnisa Awang Haji Ash'ari

**BANDAR SERI BEGAWAN**, Selasa, 15 September. - Dalam usaha untuk mempertingkatkan kesedaran terhadap pemedulian kesejahteraan warga emas di negara ini, sekumpulan belia, terdiri daripada lapan mahasiswa Universiti Brunei Darussalam (UBD) yang sedang menjalani Discovery Year mereka, di bawah penyeliaan Ahli Majlis Mesyuarat Negara, Yang Berhormat Dayang Khairunnisa binti Awang Haji Ash'ari

mengadakan Projek 'Sehari bersama Warga Emas', di salah sebuah kediaman milik seorang warga emas, di Kampung Lambak.

Projek tersebut bertujuan untuk meningkatkan tahap kesedaran dan keprihatinan terhadap kebajikan warga-warga emas yang kurang bernasib baik, dengan menggalakkan golongan belia untuk berkhidmat secara langsung kepada warga-warga emas tersebut.

Selain itu, ia juga memberikan peluang kepada golongan belia memperoleh ilmu mengenai manfaat hubungan di antara generasi-generasi berlainan, seperti mengeratkan jalinan ukhuwah dan memupuk kesedaran terhadap kepentingan memelihara kesejahteraan warga emas dalam hidup bermasyarakat.

Untuk menjayakan tujuan projek tersebut, mahasiswa yang terlibat membantu warga emas berkenaan membersihkan kawasan rumah beliau. Beberapa makanan keperluan harian turut disumbangkan kepada warga emas tersebut.



UNISSA menerusi FEKIm terus mengungguli kedudukan dalam pengajian perbankan dan kewangan Islam.

## Bantu kesan Radiah Sul Nur Adnina

Siaran Akhbar dan Foto : Pasukan Polis Diraja Brunei

**BANDAR SERI BEGAWAN**, Isnin, 14 September. - Pasukan Polis Diraja Brunei (PPDB) ingin memohon kerjasama dan bantuan daripada orang ramai untuk mengesan seorang perempuan bangsa Melayu, Radiah Sul Nur Adnina binti Jaafar, 37 tahun, pemegang nombor Kad Pengenalan 00-293999 (K), keluar dari rumah dan dipercayai mlarikan diri.

Sehubungan itu, PPDB turut memohon kerjasama dan bantuan daripada orang ramai untuk menghubungi Balai Polis Pusat Bandar Seri Begawan menerusi talian +673 2242334 atau Talian Kecemasan Polis 993 dan mana-mana Balai Polis yang berdekatan.



RADIAHUL Nur Adnina binti Jaafar, 37 tahun, nombor Kad Pengenalan 00-293999 (K),